

庶物類纂

蛇屬
自十九至二十

容

太政官文庫			
和書門	特別	三三三六二	第一番函
		四六五	册架

内閣文庫	
番號	和 32362
冊數	465(413)
函號	特 54 1

百内

共四十六




A 1 2 3 4 5 6 M 8 9 10 11 12 13 14 15 B 17 18 19



Kodak Gray Scale



© Kodak, 2007 TM: Kodak








庶物類纂蛇屬卷之十九目次

蚰
蛇

庶物類纂

蛇屬目次



蚺蛇

一名鬚蛇續博物志
一名南蛇水目
一名埋頭蛇

上同

蚺蛇

晉世顏含嫂病，須與蚺蛇膽療之，則愈。既不能得，含憂歎累日。忽有一童子持青囊授含，乃曰：真蛇膽也。童子遂化為青鳥飛去。梁任昉述異記

蚺蛇長十丈，常吞鹿，消盡乃繞樹出骨，養創時昉，腴甚美。或以婦人衣投之，則蟠而不起，其膽上旬近頭中，旬在心，下旬近尾。唐段成式酉陽雜俎

九真山多大蛇，名曰髻蛇，長十丈，圍七八尺，吞鹿角骨，鑽皮出，夷以大竹籤殺而食之。楊氏南裔異物志

曰鬻惟大蛇既洪且長采色駸犖其文錦章食犬吞
鹿腴成養創賓享嘉燕是豆是觴唐李石續博物志
是觴之是字無

蚺蛇大者長十餘丈圍可七八尺多在樹上候麋鹿

過者吸而吞之至鹿消即纏大樹上出其頭角乃不

復動夷人伺之以竹籤籤煞之取其膽也故南裔異

物志曰蚺蛇牙長六七寸土人尤重之云辟不祥利

遠行賣一枚直牛數頭唐段公路
北戶錄

蚺蛇膽普安州有養蛇戶每年五月五日即擔蚺蛇

入府祗候取膽余曾親見皆于大籠中籍以軟草盤

屈其上兩人舁一條在地上即以十數拐子從頭翻

其身旋以拐子按之不得轉側即于腹上約其尺寸

用利刃決之肝膽突出即割下其膽皆如鴨子大曝

乾以備上貢却合內肝以線合其瘡口却收入籠或

云舁歸放川澤唐劉恂嶺
表錄異記

淮南子越人得蚺蛇以為上穀中國得而棄之無用

太平
御覽

裴淵廣州記曰晉興郡蚺蛇嶺去路側五十里忽有

一物大百圍長數十丈行者過視則往而不返積年

如此失人甚多董奉從交州出由此嶠見之大驚云此蛇也往行旅施符勅經宿往看蛇已死矣左右白骨聚積成丘同上

蚺蛇大者五六丈圍五六尺以次者亦不下三四丈圍亦稱是身斑文如錦纈里人云春夏多於山林中等鹿鹿過則銜之自尾而吞唯頭角礙於口外即深入林樹間闕其首伺鹿墮頭角墜地鹿身方嚥入腹如此後蛇極羸弱及其鹿消壯俊悅澤勇健於未食鹿者或云一年則食一鹿出嶺表錄異太平廣記

泉建州進蚺蛇膽五月五日取時膽兩柱相去五六尺擊蛇頭尾以杖於腹下來去扣之膽即聚以刀割取藥封放之不死復更取看肋下有痕即放出朝野僉載

同上

大蛇可食尾圍無鱗身有斑文如故暗錦纈韻難死似鼉行地常俯其首膽隨日轉上旬近頭中旬在心下旬近尾南人云俗取其膽以充藥材即以線合其瘡縱之後遇捕者輒自見金瘡以明無膽亦其知也南越志曰蚺蛇牙有長五六寸者土人重之云辟邪

利遠行也。一云蛇人之膽取而還生。又云巴蛇吞象。

蚺蛇吞鹿 宋陸佃 埤雅

蚺蛇大者如柱長稱之其膽入藥南人腊其皮刮去

鱗以鞞鼓蛇常出逐鹿食寨兵善捕之數輩滿頭插

花趨赴蛇蛇喜花必駐視漸近競拊其首大呼紅娘

子蛇頭益挽不動壯士大刀斫其首衆悉奔散遠伺

之有頃蛇省覺奮迅騰擲傍小木盡拔力竭乃斃數

十人昇之一村飽其肉 宋范成大桂 海虫魚志

顧含字弘都養嫂失明含嘗藥視膽不冠不入嫂目

疾須蚺蛇膽含計盡求不得有一童子以舌授含含
開視之乃蛇膽也童子出門化為青鳥而去嫂目遂

差 白孔 六帖

蚺蛇大如柱逐麋鹿田中南人插花呼妖 音或呼紅

娘子以誘之以花置蛇首蛇俛不動則殺之 宋黃震 黃氏日

陶隱居云此蛇出晉安大者三二圍在地行住不舉

頭者是真舉頭者非真形多相似彼土人以此別之

膏膽又相亂也真膏壘壘如梨豆子相著他蛇膏皆

大如梅李子，真膽杖長通黑皮膜極薄，舐之甜苦，摩以注水即沉而不散，其偽者並不爾。此物至難得，真膏多所入藥用，亦云能療伯牛疾。唐本注云：此膽別取如米粟，著淨水中浮游水上，迴旋行走者為真，多著亦即沈散，其少著運沈者諸膽血並爾。陶所說真偽正反，今出桂廣已南高賀等州大有，將肉為膽以為珍味，難死似鼃，稍截食之，其形似鱧魚，頭若鼃頭，尾圓無鱗，或言鱧魚變為之也。臣禹錫等謹按蜀本圖經云：出交廣二州嶺南諸州，大者經尺長丈許。

若蛇而麓短，藥性論云：蚘蛇膽，臣渡嶺南食此膽，瘡毒不侵，世人皆知之。膽主下部蟲殺小兒五疳，孟詵云：蚘蛇膏主皮肉間毒氣，肉作膾食之，除疳瘡，小兒腦熱水漬注鼻中，齒根宜露，和麝香末傳之，其膽難識，多將諸膽代之，可細切於水中走者真也。又猪及大蟲膽亦走遲於此膽。陳臧器云：蚘蛇本切外膽，主破血痢，蠱毒下血，小兒熱丹口瘡，疳肉主飛尸遊蠱，喉中有物吞吐不得出者，作膾食之，其膾著醋能卷人筋，以芒草為筋，不然終不可脫，至難死，開助邊

庶物類纂 卷十九 蛇屬 蚘蛇 六

取膽放之猶能生三五年平復也段成式酉陽雜俎云蚺蛇長十丈嘗吞鹿消盡乃遠樹出骨養瘡時肺腴甚美或以婦人衣投之則蟠而不起其膽上旬近頭中旬在心下旬近尾

嘉祐補註本草

蚺蛇膽本經不載所出州土陶隱居云出晋安蘇恭云出桂廣以南高賀等州今嶺南州郡有之此蛇極大彼土人多食其肉取其膽及膏為藥嶺表錄異云雷州有養蛇戶每歲五月五日即檐舁蚺蛇入官以取膽每一蛇皆兩人檐舁致大籃籠中藉以軟草屈

盤其中將取之則出置地上用杙枒十數翻轉蛇腹旋復按之使不得轉側約分寸於腹間剖出肝膽膽狀若鴨子大切取之復內肝腹中以線縫合創口蛇亦復活舁歸放於川澤其膽暴乾以充土貢或云蛇被取膽它日見捕者則遠遠側身露腹瘡明已無膽以此自脫或云此蛇至難死剖膽復能活三年未知否耳此物極多偽欲試之別取如粟米許著淨水上浮游水上回旋行走者為真其徑沈者諸膽血也試之不可多多亦沉矣膏之真者礫礫如梨豆子他

蛇膏皆大如梅李子此為別也下條又有蝮蛇膽其蛇黃黑色黃頷尖口毒最烈取其膽以為藥主醫瘡肉釀作酒以治大風及諸惡風瘡瘡癩瘰癧皮膚頑痺等然今人不復用此法此蛇多在人家屋間吞鼠子及雀雛見其腹大破取前乾之療鼠瘡陳藏器說蛇中此蛇獨胎產形短鼻反錦文其毒最猛著手斲手著足斲足不爾合身糜潰矣蝮蛇至七八月毒盛時常自噬木以洩其毒其木即死又吐口中沫於草木上著人身成瘡名曰蛇漠卒難療治所主與衆蛇

同方又下蛇蛻條云生荊州川谷及田野五月十五日取之良今南中於木石上及人家屋拱間多有之古今方書用之最多或云蛇蛻無時但著不淨物則脫矣古今治蛇毒方甚多葛洪張文仲并言其形狀文仲云蝮蛇形乃不長頭扁口尖頭斑身赤文斑亦有青黑色者人犯之頭足貼著是也東閩諸山甚多草行不可不慎之又有一種狀如蝮而短有四脚能跳來齧人東人名為千歲蝮人或中之必死然其齧人已即跳上木作聲其聲云斫木斫木者不可

救也若云博叔博叔者猶可急療之其療之方細辛雄黃等分末以內瘡中日三四易之諸蛇及虎傷亦主之又以桂栝樓末著管中蜜塞之帶行中毒急傳之緩乃不救葛氏云青蝻蛇綠色喜綠木及竹上大者不過四五尺色與竹木一種其尾三四寸色異者名燭尾蛇最毒中之急灸瘡中三五壯毒則不行又用雄黃乾薑末以射罔和之傳瘡又辟衆蛇方云辟蛇之藥雖多惟以武多雄黃為上帶一塊古稱五兩者於時間則莫敢犯他人中者便磨以療之又帶五

蛇黃丸以其丸有蜈蚣故也其方至今傳之亦可單燒蜈蚣末傳著瘡上皆驗本草圖經

蛇屬紆行此蛇身大而行更紆徐冉冉然也故名蚺蛇或云鱗甲有毛如鬣也產於嶺南以不舉首者為

真故世稱為南蛇埋頭蛇明李東璧本草綱目

按劉恂錄異記云蚺蛇大者五六丈圍四五尺小者不下三四丈身有斑紋如故錦纈春夏于山林中伺鹿吞之蛇遂羸瘦待鹿消乃肥壯也或言一年食一鹿也又顧玠海槎錄云蚺蛇吞鹿及山馬從後脚入

庶物類纂 卷十九 蛇屬 蚺蛇 九

毒氣呵及角自解脫其膽以小者為佳王濟手記云
橫州山中多蚺蛇大者十餘丈食麋鹿骨角隨腐土
人採葛藤塞入穴中蛇嗅之即靡乃發穴取之肉極
腴美皮可冒鼓及飭刀劔樂器范成大虞衡志云塞
兵捕蚺蛇滿頭插花蛇即注視不動乃逼而斷其首
待其騰擲力竭乃斃昇歸食之又按山海經云巴蛇
食象三年而出其骨君子服之無心腹之疾郭璞注
云今蚺蛇即其類也南裔志蚺蛇贊曰蚺惟大蛇既
洪且長采色駁映其文錦章食灰吞鹿腴成養瘡實

饗嘉食是豆是觴同上

按察使孔公鏞云廣西蚺蛇其大者皮甲鱗皺雜生
苔蘚與山石無辨獐鹿誤從摩瘡則掉尾絞而吞之
土人取其膽則轉腹令取畧不傷齒後復遇人取膽
仍轉腹以蔽示之人知其然亦不復害也明陸容菽
園雜記
廣西有蚺蛇其肉無毒土人食之其脂與涎沫著男
陰即消縮不舉嘗聞有軍士若于涉一水皆病陰痿
蓋此水乃蚺蛇出沒處有涎沫其中故也輟耕錄記
佻健少年奸淫藥被人左使致終身不舉者疑即其

脂也。又見孫思邈千金方。鹿脂亦然。同上

蚺蛇產于山中。其皮中州市為縵樂器之用。其膽為外科治瘡癰之珍藥。然亦肝內小者為佳。此地兼產山馬。其狀如鹿。特大而能作聲。尾更板濶。與鹿稍異。蚺蛇嘗捕吞之。從后脚而入。雖角實大二倍于鹿。毒氣呵及。即時解脫。初吞時亦不能轉動。略向水次。伸舒消盡無餘矣。途人卒然相值。雖持木棍亦將無施解事者。執指大蛇皮。水在手一揮即止。可見物貴得其制。不在操利器也。吳郡顧嶠海槎餘錄

山中產蚺蛇。大者長十餘丈。能逐鹿食之。土人捕法採葛藤塞蛇穴。徐入以杖蛇嗅之。即靡乃發。穴出蛇繫於葛繩。齧而烹之。極腴。售其膽。獲價甚厚。其脂着人骨輒軟。及能萎陽。終身不舉。食鹿骨角。隨腐。本草諸書皆所未載。余甚異之。今江南得其皮。以為樂器刀劍之飾。明吳興王濟居子堂日詢午鏡
水經註曰。交趾山多鬚蛇。長十丈。圍七八尺。常樹上伺鹿。鹿過低頭繞之。有頃鹿死。先濡令溼。便吞頭。角骨皆鑽皮出。夷始見蛇不動時。以大竹籤籤蛇頭。至

廣物類彙編卷十九
蛇屬
蚺蛇
十一

尾殺而食之，以為珍異。故異物志曰：鬣惟大蛇，既洪且長，采色駁犖，其文錦章，食豕吞鹿，腴成養創，實享嘉宴。是豆是觶，言養創之時，腴甚肥，搏之以婦人衣投之，蟠而不起，便可得也。交趾物產。明張燮東西洋考。

嶺南友人說：大蚺蛇食人鹿牛，皆通體吞之，不咀嚼。既下咽，塞於膈臆，即入水浸兩三日，則肉糜於腹，腸矣。或遇大角雙格，吻傍不能入，則鹿死而蛇困，如遇蛇嚙，急拔去，已頂心上髮指，破頂皮，毒水出，即愈。長刑

祝允明野記

機謹按：高州府志載歷代小史嶺南友人說作高廉諸群。

武宗初年嘗宿豹房，劉瑾等以蚺蛇油葺其陽，是以不入內宮。蚺蛇幾年葺如之，後十五年幸劉妓甚寵之，呼劉娘娘，阻幸，浙且促回壺，後善終。海鹽王文祿庭聞述畧

郭景純青囊秘書自是堪輿占筮之術，不知後世何緣用之為醫家言。考顏弘之傳求蛇膽療嫂，不得，忽有青衣童子持一青囊授舍，開視乃蛇膽，豈後世因此遂用之醫耶？明張鳳翼譚輅

蚺蛇大能吞鹿惟喜花草婦人山中有藤名蚺蛇藤捕者簪花衣紅衣手藤以往蛇見輒凝立不動即以婦人衣蒙其首以藤縛之其膽護身隨擊而聚若徒取膽者以竹擊其一處良久利刀剖之膽即落矣膽去而蛇不傷仍可縱之後有捕者蛇輒逞腹間創示人明其已被取也其膽噲一粟於口雖拷掠百數終不死但性大寒能萎陽道令人無子嘉禾沈司馬思考廷杖時有遺之者遂得不死而常以難嗣為慮越三十餘年始得一子或云其氣已盡故耳

明陳留謝肇湖五雜

組

蛇油可合硃砂能令印色隱起不蘸同上

嶺表錄異蚺蛇被取膽它日見捕者則遠遠側身露

腹瘡明已無膽以此自脫明陳禹謨駢志

蚺蛇膽上旬近頭中旬在身下旬近尾膽狀若鴨子大切取之復納肝腹中以線縫合創口蛇亦復活昇歸放於川澤其膽暴乾以充土貢或云蛇被取膽它日見捕者則遠遠側身露腹瘡明其無膽以此自脫

明陳希顏事言要玄集

蝮蛇長者十丈餘尾圓無鱗身有斑文最難死行地常俯首吞鹿消盡乃繞樹出骨其膽上旬在首中旬在心下旬尾膽可療心腹治大病和酒飲可免杖厄性最淫喜花捕之者插花滿頭則得之或以婦人衣投之則蟠而不起牙長六七寸可辟不祥利遠行一枚直牛數頭其脂服之則骨軟陽萎○驗真偽法此膽極偽多欲試之別取如粟米許著淨水上其浮游回旋行走者為真其狂沈者諸膽血也試之不可多多亦沈矣出嶺南明范貞一典籍便覽

泉州盧元欽患大風唯鼻未倒五月五日取蝮蛇膽欲進或云肉可治風遂一截蛇肉食之三五日頭覺漸可百日平復僉載○明陳耀文天中記

虞愿為晉安太守郡舊出鬚蛇膽可為藥有餉愿者愿不忍殺放三十里外經宿復來故處愿使送他處又復歸論者以為仁心所致也齊書○同上

小孟貢江產蝮蛇欲取者先以鷄骨卜吉則入山求之蛇見人輒伏不動夷語之曰中國天子求尔明可伏死否則亦不汝貴是不照汝靈也蛇反背就戮今

言去膽猶活謬耳。膽有三等：生頷下者，以傳毒矢；居腹者，入藥治病；疽者，以童便研一合服之。又以傳患處立愈。居尾者，不堪用，弃之。

明陳仁錫潛確類書

機謹按明曹學佺名勝志明作膽

蚺蛇亦產其地。土人欲取之，先以鷄卜，問諸神，得吉兆則入麓求之。蛇見人輒伏不動。夷人語之曰：中國天子求爾膽，爾可伏死，否則吾亦不汝貫。是不昭汝靈也。蛇反背就戮。今相傳云：去膽復活者，蓋謬說耳。一蛇有三膽，居頷下者以傳毒矢，居腹間者入藥有

病疽者，以童便研一合服之。又以傳患所頃刻而愈。

居尾者棄弗用。滇載記○明楊升菴全集

大蛇可食，尾圓無鱗，身有斑文，如故暗錦，難死，似鼉行地，常俯其首，膽隨日轉。上旬近頭，中旬在心，下旬近尾。南人云：俗取其膽以充藥材，即以線合其瘡，縱之後，遇捕者輒自見金瘡，以明無膽亦其知也。一云：蚺蛇之膽取而還生。又云：巴蛇吞象，蚺蛇吞鹿。

明王思義三才圖會續集

蚺蛇 瘴廣西太平慶遠柳州思明南寧皆有之 三四

五六月七月蚺蛇交媾穢濁之氣順水流下人或犯之

則患其毒口鼻有腥氣胸腹脹痛異常輕則紫金王

樞丹行軍散蘓合丸用之亦有得生重者一二日亦

死明陳三農澄治大還

蚺蛇形大而長其膽性極冷能療眼疾及諸瘡安南明

胡文煥華夷風土志

蚺蛇長十丈以婦人衣投之則蟠可辟不祥鬱林州

蚺蛇膽廷杖者先用酒磨一錢服之不傷人即打後

食之亦妙明高濂珍異藥品○居家必備

蚺蛇長十餘丈以婦人衣投之則蟠可辟不祥明陸應陽

廣輿記

蚺蛇其膽性寒能療眼疾及諸瘡同上

括地志曰蚺蛇身長六七寸土人尤重之云辟不祥

利遠行賣一枚直牛數頭淵鑑類函

證俗音曰蚺蛇肉食之辟蠱毒同上

北戶錄曰其皮可鞞鼓今潮州和鱗為之聲與象皮

鼓相類同上

埤雅曰蚺蛇脂著人骨輒軟同上

蚺蛇○顧峴曰環黎產山馬與蚺蛇山馬似鹿而蚺蛇吞之馬角甚大而蛇毒一呵角自解脫人遇之者執指大蛇皮以水一揮即止段公路曰蚺蛇牙長六七寸辟不祥一枚直牛數頭蚺長十餘丈柯古曰以頓衣投之則蟠而不起劉恂曰昔安州有養蚺蛇戶嘗以木枋翻視之取膽而釋蛇令去清皖桐方氏物理小識蚺如古切音髻說文大蛇可食埤雅尾圓無鱗斑文如暗錦纈行地常俯其首俗呼蘿頭蛇膽隨日轉上旬近頭中旬近心下旬近尾段柯古曰以婦人衣投

之則蟠不動南人剖其腹取膽入藥以線合其瘡縱之後遇捕者蛇輒自見金瘡明無膽南越志曰蚺蛇牙長五六寸土人重之辟邪利遠行也一云蚺膽取而還生淮南子越人得蚺蛇以為上肴中國得而棄之無用故知其無所用貪者能辭之不知其無所用廉者不能讓也清廖文英正字通顏含嫂老而失明嘗躬親省視病須蚺蛇膽為藥含求之不得有童子持一青囊授含開視之乃蚺蛇膽也出戶化為青鳥飛去嫂疾用此療之即愈王敦菴

恣干色體為之敵左右諫之敦曰吾乃不覺如此者甚易耳輒開後閣驅諸婢妾數十人出路任其所之時人驚嘆

沂州志

高廉諸郡大蚺蛇食人鹿牛皆通體吞之不咀嚼既不咽塞於膈臆即入水浸兩三日則肉糜於腹腸矣或遇大角雙格吻傍不能入則鹿死而蛇困如遇蛇嚙急拔去已頂心上髮指破頂皮毒水出即愈

出歷代小

史○高州府志

蚺蛇蚺蛇類之最大者能吞鹿豕繞樹出其骨有

二膽一在腹中一在膚裏遇人擊傷膽即至傷處護之故耐擊不死人遇刑責預服其膽即受重刑不致傷命故世多珍之獨重膚膽腹中之膽無用也其性最淫遇婦人必追之魚得脫者急解所繫裙投地蛇得裙即盤絞不去人因得殺之皮可為鼓

瓊山縣志

亦名南蛇生深山大澤長者至十餘丈性最淫喜逐婦人聞其氣則不能去尾有力捲人如鈎得婦人裂衣淫之多有至死然山民每以葛藤束縛雖百餘觔皆早以歸屠之惟不可近婦女雖剥皮釘曝日中其


皮猶蠕動其膏能痿人陽道膽入藥真者難得古稱
 蚺蛇食鹿繞樹而出其骨所出悉鑽皮肉出之養瘡
 甚苦今攷之殊不爾每得鹿入坑谷尋軟骨藥餌之
 吞鹿沒澗中良久角骨都軟化魚鑽皮出骨之說也
 其葉人食之骨銷見大平廣記高要縣志
 蚺蛇皮具五采膽療折傷純雌魚雄見男子則不動
 見女人則好逐陽春縣志
 蚺蛇蛇屬身大而行紆徐冉冉然也或曰鱗中有毛
 如鬚陶弘景言出晉安西陽雜俎蚺蛇長十丈嘗吞

鹿鹿消盡迺遶樹則腹中之骨穿鱗而出養瘡時肪
 腴甚美劉恂錄異記身有斑紋如故錦纈春夏于山
 林中伺鹿吞之蛇遂羸瘦待鹿消迺肥壯其膽可藥
閩書
 蚺蛇蛇之最大者能吞鹿繞樹出其骨其膽上旬在
 頭中旬在心下旬在尾性耐死取膽放之猶活瓊州府志
 蚺蛇膽醫家重之有一種大蛇膽相似欲辨之浮游
 水面迴旋行走者是同上


庶物類纂蛇屬卷之二十目次

巴蛇
蟻
長蛇
苟印

本草綱目卷之二十一



巴蛇



本草綱目卷之二十一

蛇屬 巴蛇

巴蛇

象實巨獸有蛇吞之越出一骨三年為期厥大何如

屈生是疑 晉郭璞山海經圖讀

巴者食象之蛇其字象蜿蜒之形中有一說者以為一所吞也其長千尋青黃赤黑海內南經曰巴蛇食象三歲而出其骨君子服之無心腹之疾言取所出象骨而佩服之在犀牛西今南方蚺蛇長十丈亦能吞鹿鹿消盡乃自絞於樹則腹中之骨皆穿鱗甲間出養瘡時肪腴甚美或以婦人袒服投之則蟠不能

起其膽亦止心腹之痛又倭國有獸如牛名山鼠彼有大蛇亦吞此獸蛇皮堅不可斫蓋巴類也今常蛇啖一鼉輒齧塞宛轉尋即蛻裂而巴乃獨吞象逮三歲始出其骨巨細之不同蓋如此出其骨當亦自鱗甲中不須復蛻也天問曰靈蛇吞象厥大何如古稱堯使羿斲脩蛇於洞庭許叔重以為脩蛇大蛇吞象之類洞庭南方澤名近巴陵說巴陵者以為巴之死其骨為陵此地至今往往多大蛇豈其種裔耶按今岳陽郡獄之側巍然而高草木翳鬱者人指以為巴

蛇積骨之處城外嘗有巴蛇廟已而廢又有象骨山以為象暴骨之所其旁有湖曰象湖宋羅願爾雅翼巴陵對長洲其洲南分湖浦東北屆大江故曰三江也三水所會亦或謂之三江口夾洲列關亦謂之巴陵關江記言羿屠巴蛇於洞庭積其骨為陵淮南子曰斬蛇於洞庭今巴蛇塚在州院廳側巍然而高草木叢翳張燕公有登巴丘望墨山之詩兼有巴蛇廟在岳陽門內太守歐頴廢之宋范致明岳陽風土記南海志巴蛇食象宋邵文伯五色線

無功類纂 卷二十一 蛇屬 巴蛇 三

昇屠巴蛇于洞庭其骨若陵故曰巴陵潯江記○明陳耀文天中

屠巴蛇出象骼吳都賦○同上

南海外有巴蛇身長百尋其色青黃赤黑食象三歲

而出其骨今南方蚺蛇亦吞鹿也肉爛則自絞於樹

腹中骨皆穿鱗甲間出亦此之類也明王思義三才圖會續集

山海經巴蛇吞象三歲而出骨君子服之已心腹之

疾今南方蚺蛇吞鹿已爛自絞于樹腹中骨皆穿鱗甲間出○淵鑑類函

正字通曰巴蛇長十尋備青黃赤黑色今蚺蛇即其

類同上

巴蛇郭曰今南方蚺蛇吞鹿鹿已爛白絞于樹腹中

骨皆穿鱗甲間出此其類也楚辭曰有蛇吞象厥大

何如說者云蛇長十尋○任臣案函史物性志巴蛇

長十尋備青黃赤黑色食象三歲而出其骨庾仲雍

江記曰昇屠巴蛇于洞庭其骨若陵文心雕龍注巴

丘山一名巴蛇冢是其地也一統志巴蛇冢在岳州


府城南長沙風土記云巴蛇吞象空見于圖書鵬鳥

似鴉但聞于詞賦左思三都賦屠巴蛇出象骼虞世

南師子賦碎隨兕于斷齧握巴蛇于指掌李白詩脩蛇橫洞庭吞象臨江島柳宗元天對云巴蛇腹象足觀厥大三歲遺骨其脩已號吳淑蛇賦云或棄彼龍星或出夫象骼謂此也圖贊曰象實巨獸有蛇吞之越出其骨三年為期厥大何如屈生是疑羅良願曰說巴陵者以為巴蛇之死其骨若陵又有象骨山以為象暴骨之所今倭國有如牛名山鼠彼有大蛇亦吞此獸皮堅不可斫蓋巴蛇類也聞竒錄曰番陽有書生經山中見氣高大餘如煙鄉人言此岡子蛇吞

象也遂集衆振譟已而蛇退入谷中經宿鄉人各持缶壅往見一象尚立而肌骨已化為水咸鍼破取水云過海置此舟中能辟去蛟龍又南裔志蚺蛇贊蚺維大蛇既洪且長采色駁映其文錦章食灰貪鹿腴成養瘡賓饗嘉食是豆是觴審此則吞獸者不獨巴蛇也清吳任臣山海經廣註

巴丘山一名巴蛇塚風土記云羿屠巴蛇於洞庭積骨為陵或謂荆江出巴蜀經三國時吳使魯肅以萬人屯巴丘山即此湖廣總志



蟒

一名王蛇雅爾 一名蚺言方 一名螭上同 一名鱗

上同

俗名蕪ハ法ハ法ハ迷ミ 飛彈州 又名搭タ爾ニ罵マ法ハ窟ク 攝津州
又名煞サ脫ト罵マ法ハ窟ク 越前州 又名涯ヤ罵マ戛カ客カ 加賀州
又名涯ヤ罵マ戛カ各カ 同上

庶物類纂 卷三十一

蛇屬

蟒

蟒

蟒王蛇爾雅蟒蛇最大者故曰王蛇蟒音莽○晉此蛇
之最大者名蟒又名王蛇與上騰蛇異宋邢昺爾雅疏○十

三經註疏

蟒卽蝗也宋魏之間謂之蚘音南楚之外謂之蟪蟒

蟪音近詐或謂之蟒或謂之騰音滕○漢揚雄方言

周景戎廬山記曰安侯世高者安息國太子與友人
共出家學道友人好患奴死受蟒報爲此宮亭廟神
世高於廣州爲人所殺還生安息國復爲王子年二

十又棄國入吳之宮亭泊船過呼友人與語友人身
長數十丈見世高向之胡語竟各分去暮有一少年
上世高船跪受咒願因忽不見世高語同船人曰向
少年即此廟神也得離惡形矣蟒既見世高從山南
過死山北今柴民所居蛇里是也太平御覽
郡國志曰陵州仁壽縣有陵井出鹽井傍玉女祠初
女無夫後每年取一少女人擲置井中若不送水即
竭又蜀郡西山有大蟒蛇吸人上有祠號曰西山神
每歲土人莊嚴一女置祠旁以為神妻蛇輒吸將去

不爾即亂傷人周氏平蜀許國公宇文貴為益州總
管乃致書為神媒合婚姻擇日設樂送玉女像以配
西山神自送之後無復此害同上
天門山山多峻秀巖谷透灑有大巖壁直上數千仞
草木交連雲霧擁蔽其下有逕途微細行人往忽然
上飛而出林表若昇仙遂絕世如此者漸不可勝紀
往來南北號為仙谷時有樂於道者不遠千里而來
洗浴巖畔以來昇仙此林下無不飛去會一夕有智
能者謂他人曰此必妖怪非是仙道因以石自繫而

牽一犬入其谷，犬復飛去。然知是妖邪之氣，以喻之。乃遣近山鄉里募年少者數百人，執兵器持大棒，而先縱火燒其草及伐竹木。至山畔觀之，遙見一物長數十丈，高下隱隱，垂頭下望。及更漸逼，乃一大蟒蛇。於是命少年鼓躍擊射，然後斫刺而口張尺餘，尚欲害人力，不加衆久，乃卒。其所吞人骨與他獸之骸，稍在左右如阜焉。又有人出行墜深泉澗者，無出路，饑餓分死。左右見龜蛇甚多，朝暮引頸向東方，人因伏地學之，遂不復饑，體加輕，便能登巖岸。數年後試竦

身舉臂遂超出澗上，即得還家，顏色悅懌，頗更黠慧。勝故還食穀啖滋，味百餘日，中復其本質。出博物志
記
太平廣

雒陽太內興立，自隋唐五代至聖朝，藝祖嘗欲都之，開寶末幸焉。而宮中多見恠，且適霖雨，徒雲祀謝，見上帝而歸。是後至宣和，又為年百五十久虛曠，蓋自金鑾殿後，雖白晝人不敢入，入亦多有異。蠱或大於斗蛇，率為巨蟒，日夜絲竹歌哭之聲不絕也。宣和末有監官吳本者，武人恃氣不畏事，夏月因納涼於殿

廡間至晡時後天尚未昏黑而從者堅請歸舍不聽俄忽聞蹕聲自內而出即有衛從繽紛執紅銷金籠燭者數十對成行羅列中一人衣黃人如帝王狀胸間尚帶鮮血擁從甚盛徐行由殿廡從本寓舍前過本與其從者急趨入戶避之得詳瞰焉最後有一衛士似怒本納涼故妨其行從也乃以手兩指按其臥榻之四足遂穿磚而陷于地頃刻轉他殿而去遂忽不見本大駭自是不敢宿止其中矣因圖畫所見編以示人雒陽士大夫多傳之曰此必唐昭宗也吾頃

嘗聞是事第流落不偶久而十忘七八矣宋蔡條鐵圍山叢談

湖心有地一方立塔以按風水人呼之曰按山湖水瀾漫時盜多竄伏於此由是守庵者不敢居遂成荒蕪其中有穴如窺下極空洞巨蟒潛伏於內時有人見之或偃卧湖沙之側近年有數道者居之佛殿廊廡稍稍成緒蛇亦不復見矣余家舊有蛇穴於壁間每春月常有小蛇出沒近歲稍少又有一族人課僕鋤草忽聞地中有聲入土尺許有石板蓋覆甚固啟之得缸可貯數石米其中皆巨蛇八九奔走四出

急擊之或死或竄去竟不知從何而入也意者必有異物蓋不遇而變化云

宋東湖魯應龍閑窓括異志

長安道中有行人倦息古松之下回視巨蟒蛇長丈餘宛轉荆棘間若傷病者行者怪而諦視之但見腦門上蟲大如粟粒色紅如丹因取置地以足趾之遂巡蛇遂能去行者漸覺足間微癢須臾愈劇毒氣俄升於股旬日之間血肉潰爛遂墜股而死細微之物其毒至是人終莫知其名

宋彭乘墨客揮犀

興元府火飛燼落天慶觀殿下古柏上柏中空盡焚

臭聞遠近明日得如羊肋骨者數百枝蓋大蛇也帥

楊掌武每出以視客云

宋河南邵氏聞見後錄

廣西人喜食巨蟒每見之即誦紅娘子三字蟒輒不動且誦且以藤蔓繫其首于木刺殺之

同上

臨川民家生一女甚慧黠年十三死瘞于流臺白塔之側有大菌生于塚上蒂長尺許狀如蓮衆神之稱曰佛女有一士人過之言于衆曰下必有怪物衆掘之剖棺見巨蟒在衣衾上不復有女子其母云孕此女時寢夢間屢見巨蟒來觸幃帳呼燈視之寂無所

有今方知是怪物也

明牛衷埤雅廣要

四川綿竹縣有吞道觀每歲一道士修善至期有白雲載之而去名曰升天江西一真人過而見之曰此物乃在此為崇宜除之即彎弓仰射怪墮落巢穴人踪跡其處乃蟒成精也搜索穴中遺留道冠無數

張明

誼遊宦紀聞

方希直先墓初有妖後治墓乃見大蟒窟冢中生聚極繁殆至數千洞穴蔓廣腥穢逼人眾議盡殲之姑掩穴歸治挺鑊火攻之具其夕方公父夢黑衣嫗拜

懇言吾輩無損於公公將滅吾族幸舍之當報德不

然亦能報怨父曰奚報怨為嫗曰公能族我我亦能

族公又曰吾舉族來懇矣方顧嫗後男女無限然竟

不許明日語家人且謂妖蟒乃爾正當除之因極力

搜摘焚殺罄絕其夜聞山中哭聲後方公不幸嬰烈

禍蛇孽亦足徵也

長洲祝允明野記

蟒巨蛇也四足膽可療毒出雲南一名王蛇以其最

大故曰王

爾雅明范貞一典籍便覽

蟒膽出雲南孟養巨蟒有足膽解諸毒

明高濂珍異藥品○居家

必備

鱗巨，鱗有四足，膽可解諸毒。明胡文煥華表風土志

晉書曰：趙王倫篡位，殿上有大鱗及小鱗，耳間垂肉

似重，考饋小鱗亦然。淵鑑類函

周景式廬山記：宮亭廟著靈孫，權時其神能分風送

舟，往來者皆來者皆禱，祀祈風施捨山積，西域僧安

世高者南遊於此，其神忽人，語為高言，其前世嘗為

僧，以瞋恚故積業受報墮異類，中良苦，今旦死，欲高

為立法營塔，覲得善生，高曰：見而形，神曰：形惡必駭。

眾不可見，已而自座後出其首，蓋大鱗也，首與高膝

齊，高撫其首為梵語讚，頃數四，鱗悲淚如雨，即隱去。

無何死，柴桑縣山，齋中謂其地曰蛇村。南康府志

建武二年，妖鱗見長沙白鶴觀樓，隔江山洞，妖鱗每

歲七月望，夜至樓，羽流以為天仙，接引，歲一人齋沐

俟，昇為徒，相率并送陶侃，引弓射滅其炬，血如雨。

有巨鱗斃洞中，腹皆人骨，妖遂絕滅。湖廣總志

鱗妖陶侃守長沙，德潤門外白鶴觀樓，與江外山麓

對起，山洞有妖鱗，夜能吐舌為橋，奮鬣為仗，豎角為

門熠目為炬其聲能為八音每歲七月望夜飛瞰樓上羽流以為天仙接引歲以一人齋沐俟昇其徒相率拜送之侃至期觀之引弓射中其炬即滅灑血如雨且跡之巨蟒斃洞中剖其腹皆羽冠人骨上同射蛟臺抱黃洞側晉時德潤門外有白鶴觀觀有高樓與麓山抱黃洞相對洞有妖蟒能吐舌為橋奮鬚為仗翼角為天門熠目為炬作聲為八音每歲七月十五夜飛瞰樓上羽流被惑以為導引升仙歲次一人齋沐俟以其徒又醮而拜送之陶桓公鎮長異弗

信引弓矢射其炬即時碎滅灑血如雨次日蹤跡得之蟒斃于洞剖其腹人骨羽冠斗許俗因呼曰蟒洞後人建臺誦其功名射蛟長沙府志晉杜預嘗醉卧帳中人聞其嘔吐聲於戶外窺之但見一巨蟒垂頭而吐云當陽縣志暗巖去澹巖三里秉炬而入其廣袤可容萬人宋鄒道鄉謫道州經此巖有老蟒化為靈狐作人言語老僧曰明日鄒公至當往迎之僧如其言而迎之果鄒公也告以故始信君子之感物也鄒有詩見藝文零陵

縣志

金蟒穴宿猿洞之東後唐天成間大石穴中有巨蟒鱗甲如黃金蟠屈六七丈王氏命運土塞之因建大殿以奉佛今葫蘆城是也

三山志

長蛇

蛇屬

長蛇

一

長蛇

長蛇百尋，厥鬣如旒，飛群走類，靡不吞噬。極物之惡，

畫毒之厲。晉郭璞山海經圖讚

山海經曰：大同之山有蛇，名曰長蛇，其毛如旒，其

音如鼓柝。唐歐陽詢藝文類聚

大咸山有蛇，名長蛇，錐首，身長百尋，其声如振鼓。王明

思義三才圖會續集

長蛇其毛如旒，豪郭曰：說者云：長百尋，今蝮蛇色似

艾，綬文，文間有毛，如猪鬃，此其類也。常山亦有長蛇。

庶物類纂 卷二十 蛇屬 長蛇 二

與此形不同。○任臣案豫章記永嘉末有大蛇長十
 餘丈亦此類。圖贊曰長蛇百尋厥聲如羸飛羣走類
 靡不吞噬極物之惡。盡毒之厲。又吳淑蛇賦云毛若
 羸豪本此也。
清吳任臣山
 海經廣注

苟印

一名苟斗

水州
拾遺

苟印

苟印一名苟斗，取膏滴耳中，令左右耳徹出，潮州似蛇有四足，大主聾也。陳藏器餘○宋唐慎微證類本草

機謹按清方以智通雅曰：聾聽千歲蝮木，僕苟印當一類也。蓋詳千歲蝮之條。

庶物類纂 卷三十一 蛇屬 苟印 二

庶物類纂

卷二十一

